

# Enski boltinn

LAUGARDAGUR 2. SEPTEMBER 2017



NORDICPHOTOS/GETTY

VERTU Á STADNUM OG FÁÐU STEMNINGUNA BEINT Í ÆÐ!

# GAMAN Í BOLTANUM!





# Getur Gylfi komið Everton upp í næstu tröppu?

Everton galopnaði veskið til að fá Gylfa Þór Sigurðsson á Goodison Park. Hann stimplaði sig inn með glæsilegu marki í fyrsta byrjunarliðsleiknum. Gylfi á að hjálpa Everton að komast í fremstu röð.

Ingvi Þór Sæmundsson  
ingvithor@365.is



Framhaldssögunni um félagaskipti Gylfa Þórs Sigurðssonar lauk loks 16. ágúst þegar hann var kynntur sem nýr leikmaður Everton. Talið er að Everton hafi borgað Swansea City um 45 milljónir punda fyrir Gylfa sem gerir hann að dýrasta leikmanni í sögu bláa liðsins í Liverpool. Þá er hann langdýrasti íslenski fótboltaáðurinn frá upphafi.

Gylfi brosti breitt eftir að hafa skrifað undir fimm ára samning við Everton. Ronald Koeman, knattspyrnustjóri liðsins, var einnig alsæll með að hafa landað íslenska landsliðsmanninum sem hann hefur lengi haft augastað á.

„Allt frá upphafi var hann einn af þeim leikmönnum sem ég vildi fá til Everton. Fyrst og fremst út af því hversu góður hann er og vegna reynslu hans úr ensku úrvaldsdeildinni sem hann býr yfir. Að mínu mati er hann einn af bestu leikmönnum ensku úrvaldsdeildarinnar í sinni stöðu,“ sagði Koeman um Gylfa.

Íslenski landsliðsmaðurinn kom inn á sem varamaður í 1-1 jafntefli gegn Manchester City í 2. umferð ensku úrvaldsdeildarinnar mánudaginn 21. ágúst. Þremur dögum síðar var hann í byrjunarliðinu í seinni leiknum gegn Hajduk Split í umspili um sæti í riðlakeppni Evrópu-deildarinnar. Í upphafi seinni hálfleiks skoraði hann sitt fyrsta mark fyrir Everton sem stuðningsmenn liðsins eru eflaust búnir að horfa 100 sinnum á. Gylfi skoraði þá með óvæntu skoti yfir markvörð Hajduk, nánast frá miðju. Stórkostlegt mark sem létti eflaust smá pressu af Gylfa sem er sem áður sagði dýrasti leikmaður í sögu Everton.

Koeman á sér stóra drauma og vill

koma Everton í fremstu röð. Þessi hugsunarháttur Hollendingans virðist hafa höfðað til Gylfa ef marka má orð hans eftir að félagaskiptin frá Swansea gengu í gegn.

„Hann [Koeman] var frábær leikmaður og einn sá besti á sínum tíma. Nú er hann góður stjóri og framtíðarsýn hans hjá Everton er skýr. Það skipti miklu máli fyrir mig að hann væri stjórinn. Það er bæði draumur minn og allra hjá félaginu að vinna titla með Everton,“ sagði Gylfi.

Það verður þó enginn hæðarleikur fyrir Everton að komast í hóp þeirra bestu. Koeman hefur verið duglegur á félagaskiptamarkaðinum í sumar og fékk meðal annars Wayne Rooney aftur heim á Goodison Park. En það er vandséð að Koeman hafi fyllt skarðið sem Romelu Lukaku skildi eftir sig. Belginn öflugi skoraði 25 mörk í fyrra og Everton þarf að finna þessi mörk einhvers staðar.

Rooney og Gylfi munu skora sín mörk en þeir þyrftu helst að njóta aðstoðar alvöru framherja. Miðað við frammistöðuna í 2-0 tapinu fyrir Chelsea um síðustu helgi er Sandro Ramirez ekki í þeim flokki. Í þeim leik vantaði Everton sárlega einhvern til að hlaupa aftur fyrir vörn Chelsea. Hinn ungi og efnilegi Dominic Calvert-Lewin er mjög fljótur og býður upp á þann möguleika. En hann hefur bara skorað tvö mörk fyrir Everton síðan hann kom til liðsins og býr yfir lítilli reynslu.

Hvað svo sem gerist hjá Everton í vetur, þá verður alltaf gaman að fylgjast með Gylfa. Hann er í stóru hlutverki í stóru liði og þar á bæ búast menn við miklu af honum. Annars hefðu þeir ekki borgað 45 milljónir punda fyrir íslenska landsliðsmanninn sem átti stærstan þátt í því að Swansea hélt sér í ensku úrvaldsdeildinni á síðasta tímabili. En nú stendur Gylfi frammi fyrir nýrri áskorun sem hann mun eflaust standast með stæl.



Gylfi hefur farið vel af stað með Everton og er þegar búinn að opna markareikning sinn með félaginu. NORDICPHOTOS/GETTY

## Mikið að gera á skrifstofunni

Everton var aðsöpmikið á félagaskiptamarkaðinum og keypti alls níu leikmenn. Félagið seldi líka nokkra leikmenn, þ. á m. Romelu Lukaku til Manchester United fyrir 76,2 milljónir punda. Ross Barkley endaði þó á því að vera áfram hjá Everton.

Í heildina keypti Ronald Koeman, stjóri Everton, eftirtalda leikmenn fyrir samtals 142,5 milljónir punda:

- Gylfi Þór Sigurðsson keyptur frá Swansea á 44,5 milljónir punda.
- Wayne Rooney á frjálsri sölu frá Man. Utd.
- Michael Keane keyptur frá Burnley á 25,7 milljónir punda.
- Jordan Pickford keyptur frá Sunderland á 25,7 milljónir punda.
- Davy Klaassen keyptur frá Ajax á



Wayne Rooney er kominn aftur heim til Everton. NORDICPHOTOS/GETTY

- 24,3 milljónir punda.
- Nikola Vlasic keyptur frá Hajduk Split á 9,7 milljónir punda.
- Sandro Ramirez keyptur frá Málaga á 5,4 milljónir punda.

- Cuco Martina á frjálsri sölu frá Southampton.
- Henry Onyekuru keyptur frá Eupen á 7,2 milljónir punda. Lánaður til Anderlecht.



Getrtaunanúmerið er

**121**

Íþróttafélag fatlaðra í Reykjavík

UMSJÓNARMAÐUR EFNIS Ingvi Þór Sæmundsson ingvithor@365.is

Útgefandi:  
365 miðlar

Ábyrgðarmaður:  
Svanur Valgeirsson

Sólumaður auglýsinga:  
Ólafur H. Hákonarson, olafurh@365.is, s. 512 5433

Veffang:  
Visir.is



VERTU Á STADNUM OG FÁDU STEMNINGUNA BEINT Í ÆÐ!

# GAMAN Í BOLTANUM!




## ARSENAL - BRIGHTON



Verð frá: **99.900 kr.**

29. september - 2. október '17 / 3 nætur.  
Verð á mann miðað við 2 saman í herbergi. Innifalið er flug, 20 kg taska, gisting á Hilton Euston í London með morgunverði og miði á leikinn.

## CHELSEA - SOUTHAMPTON



Verð frá: **109.900 kr.**

15. - 18. desember '17 / 3 nætur.  
Verð á mann miðað við 2 saman í herbergi. Innifalið er flug, 20 kg taska, gisting á Hilton Euston með morgunverði, drykkur í Delta Lounge fyrir leik, 3 rétta máltíð á Stamford Bridge, leikskrá og miði á langhlið.

## LIVERPOOL - WEST HAM



Verð frá: **109.900 kr.**

23. - 26. febrúar '18 / 3 nætur.  
Verð á mann miðað við 2 í herbergi. Innifalið er flug, 12 kg handfarangur, gisting á Days Inn með morgunverði, leikskrá leiksins, aðgangur að sérstökum bar á Anfield og miði á langhlið vallarins (Main Stand).

## TOTTENHAM - BOURNEMOUTH



Verð frá: **99.900 kr.**

13. - 16. október '17 / 3 nætur.  
Verð á mann miðað við 2 saman í herbergi. Innifalið er flug, 20 kg taska, gisting á Hilton Euston með morgunverði, Club Wembley miði í block 204, drykkir í hálfleik & leikskrá.

## MAN UTD - BRIGHTON



Verð frá: **109.900 kr.**

24. - 27. nóvember '17 / 3 nætur.  
Verð miðað við 2 saman í herbergi. Innifalið er flug, 12 kg handfarangur, gisting á The Principal Hotel með morgunverði, leikskrá, aðgangur að The Kit Room Sportbar á Old Trafford og miði í block NW3435.

## EVERTON - HUDDERSFIELD



Verð frá: **89.900 kr.**

1. - 4. desember '17 / 3 nætur.  
Verð á mann miðað við 2 saman í herbergi. Innifalið er flug, 12 kg handfarangur, gisting á hóteli í Liverpool með morgunverði, máltíð fyrir leik og miði í Park End Stand Block.



# Hið erfiðna annað ár

Landsliðsmaðurinn Jóhann Berg Guðmundsson mætir aftur til leiks með Burnley í ensku úrvalsdeildinni í vetur. Meiðsli gerðu honum erfitt fyrir í fyrra en hann hefur byrjað tímabilið í ár af krafti.

Jóhann Berg Guðmundsson er á sínu öðru tímabili hjá Burnley sem freistar þess að endurtaka leikinn frá því í fyrra og halda sæti sínu í ensku úrvalsdeildinni. Það gerðist síðast á miðjum 8. áratugnum að Burnley náði að leika þrjú tímabil í röð í efstu deild.

Meiðsli settu strik í reikninginn hjá Jóhanni Berg á síðasta tímabili. Hann byrjaði á bekknum í fjórum af fyrstu fimm deildarleikjum Burnley en Sean Dyche, knattspyrnustjóri liðsins, setti hann í byrjunarliðið fyrir leik gegn Watford á heimavelli í lok september. Íslenski landsliðsmaðurinn spilaði allan tímann í 2-0 sigri og hélt sæti sínu í byrjunarliðinu í næstu sjö leikjum.

Jóhann Berg spilaði sinn besta leik fyrir Burnley þegar liðið vann 3-2 heimasigur á Crystal Palace 5. nóvember. Hann skoraði og lagði upp mark í 3-2 sigri sem kom Burnley upp í 9. sæti deildarinnar.

Burnley steinlá fyrir West Brom í næstu umferð og í leiknum þar á eftir, gegn Manchester City, meiddist Jóhann Berg aftan í læri og var frá í mánuð. Meiðsli héldu áfram að plaga íslenska landsliðsmanninn og hann var aðeins einu sinni í byrjunarliðinu í ensku úrvalsdeildinni það sem eftir lifði tímabils. Hann lék alls 20 deildarleiki á síðasta tíma-

## » Burnley náði í 33 stig á heimavelli á síðasta tímabili en aðeins sjö á útivelli.

bili, skoraði eitt mark og gaf tvær stoðsendingar. Auk þess lék hann samtals fjóra leiki í ensku bikar- og deildarbikarkeppninni.

Jóhann Berg virðist hafa nýtt undirbúningstímabilið vel því hann nýtur nú trausts Dyche og byrjaði alla þrjá leiki Burnley í ensku úrvalsdeildinni á þessu tímabili.

Stærsta ástæðan fyrir því að Burnley hélt sér örugglega í deildinni á síðasta tímabili var frábær árangur á heimavelli. Alls fékk Burnley 33 stig á Turf Moor sem var eins gott því uppskeran í 19 útileikjum var aðeins sjö stig.

Í upphafi þessa tímabils hefur þessu verið öfugt farið. Burnley gerði sér lítið fyrir og vann 2-3 útisigur á Englandsmeisturum Chelsea í 1. umferð ensku úrvalsdeildarinnar. Jóhann Berg og félagar töpuðu því næst fyrir West Brom á Turf Moor en náðu svo í gott stig gegn Tottenham á Wembley. Fjögur stig úr útileikjum gegn tveimur efstu liðum deildarinnar í fyrra verður að teljast afar góður árangur fyrir lið sem vann aðeins einn útileik í fyrra.



Jóhann Berg hefur byrjað alla þrjá leiki Burnley í ensku úrvalsdeildinni á tímabilinu. NORDICPHOTOS/GETTY

Burnley missti tvo af sínum bestu mönnum í sumar; Michael Keane og Andre Gray. Í staðinn náði Dyche í menn með reynslu úr ensku úrvalsdeildinni. Jack Cork, Jonathan Walters og Phil Bardsley eru ekki mest spennandi leikmenn í heimi en þeir eru traustir liðsmenn og eiga

samtals 640 leiki í ensku úrvalsdeildinni. Þá keypti Burnley Chris Wood, markahæsta leikmann ensku B-deildarinnar á síðasta tímabili, á metverði frá Leeds. Nýsjálandingurinn minnti strax á sig og skoraði jöfnunarmarkið gegn Tottenham í sínum fyrsta leik fyrir Burnley.


Annað árið hefur oft reynst liðum sem koma upp í ensku úrvalsdeildina erfitt. Burnley virðist hins vegar ágætlega í stakk búið til að halda sæti sínu í deildinni. Stjórnin er fær í sínu starfi, leikmannahópurinn nokkuð þéttur og liðið þekkir sín takmörk.

## ALLT HEFST MEÐ



**NESCAFÉ**





**BRJÓTTU UPP DAGINN  
MEÐ KITKAT**





# Nýjasta Skyttan í vopnabúri Arsenal

**Alexandre Lacazette**  
26 ÁRA  
FRAMHERJI

Landsleikur fyrir Frakkland: 11  
Mark fyrir Frakkland: 1  
Keyptur á 47,7 milljónir punda frá Lyon

Fyrir nokkrum mánuðum benti flest til þess að Alexandre Lacazette væri á leið til Atlético Madrid. En Arsene Wenger, knattspyrnstjóri Arsenal, nýtti tækifærið þegar Atlético var dæmt í félagaskiptabann og fékk Lacazette til Emirates fyrir metverð.

Þegar tölfræði Lacazettes með Lyon er skoðuð er ekki skrítið að Arsenal hafi verið tilbúið að borga tæplega 50 milljónir fyrir franska framherjann. Lacazette skoraði ekki mikið fyrstu árin sín hjá Lyon en síðustu fjögur tímabil sín hjá liðinu skoraði hann 91 mark í 135 leikjum í frönsku úrvalsdeildinni. Á síðasta tímabili skoraði Lacazette mark á 86 mínútna fresti í frönsku deildinni.

» Lacazette skoraði mark á 86 mínútna fresti fyrir Lyon í frönsku úrvalsdeildinni á síðasta tímabili.

Það tók Lacazette aðeins 94 sekúndur að skora sitt fyrsta deildarmark fyrir Arsenal. Hann skallaði þá fyrirgjöf Mohameds Elneny fram hjá Kasper Schmeichel, markverði Leicester City, í upphafsleik tímabilsins í ensku úrvalsdeildinni sem Arsenal vann 4-3. Auk þess að skora var Lacazette mjög ógnandi og vinnusamur í leiknum gegn Leicester. Hann fann sig ekki í 1-0 tapinu fyrir Stoke City í 2. umferðinni og byrjaði svo á bekknum þegar Arsenal steinlá fyrir Liverpool, 4-0, um síðustu helgi.

Lacazette hefur hæfileikana til að blómstra í ensku úrvalsdeildinni en spurningin er hvort hann nær að fullnýta þá í liði Arsenal sem er ekki á góðum stað.



Alexandre Lacazette var aðeins 94 sekúndur að skora sitt fyrsta deildarmark fyrir Arsenal.

# Belginn strax byrjaður að borga til baka

**Romelu Lukaku**  
24 ÁRA  
FRAMHERJI

Landsleikur fyrir Belgíu: 59  
Mörk fyrir Belgíu: 23  
Keyptur á 76,2 milljónir punda frá Everton

Romelu Lukaku þurfti ekki neinn aðlögunartíma hjá Manchester United eftir félagaskiptin frá Everton. Belginn stóri og stæðilegi skoraði í sínum fyrsta keppnisleik fyrir United; gegn Real Madrid í Ófurbikar Evrópu. Lukaku fylgdi því eftir með því að skora tvö mörk í 4-0 sigrinum á West Ham í 1. umferð í ensku úrvalsdeildinni. Hann varð þar með fjórði leikmaður United sem skorar tvö mörk í fyrsta úrvalsdeildarleik sínum fyrir United. Lukaku skoraði svo eitt mark United í 0-4 sigrinum á Swansea City.

Lukaku var keyptur til United til að skora mörk og hann er strax byrjaður að gera það. Honum hefur verið legið á hálsi fyrir að skora aðallega gegn minni liðum-



» Aðeins Sergio Agüero og Harry Kane hafa skorað meira í ensku úrvalsdeildinni síðustu fjögur tímabil en Lukaku.

um í ensku úrvalsdeildinni. En það var nákvæmlega það sem vantaði hjá United á síðasta tímabili. Liðið tapaði allt of mörgum stigum gegn liðum í neðri helmingnum og mörkin voru of fá. United skoraði aðeins 54 mörk á síðasta tímabili en er strax komið með 10 mörk í aðeins þremur leikjum á þessu tímabili. Það er mikil framför.

Lukaku kann á ensku úrvalsdeildina. Hann hefur skorað 88 mörk í 189 leikjum og varnarmenn deildarinnar ráða illa við hraðann, styrkinn og kraftinn sem hann býr yfir.

Svo er Lukaku aðeins 24 ára gamall. Það er því ekki skrítið að United hafi borgað veglega upphæð fyrir framherjann öflugan.

# Dýrasti varnarmaður fótboltasögunnar

**Benjamin Mendy**  
23 ÁRA  
VINSTRI BAKVÖRDUR

Landsleikur fyrir Frakkland: 4  
Ekkert mark fyrir Frakkland  
Keyptur á 51,75 milljónir punda frá Monaco

Pep Guardiola var greinilega ekki nógu ánægður með frammistöðu bakvarða Manchester City á síðasta tímabili því hann lét alla fjóra bakverði liðsins fara í sumar. Bacary Sagna, Pablo Zabaleta, Gaël Clichy og Aleksandar Kolarov eru allir komnir yfir þritugt og Guardiola vildi fá ferskari lappir til að hlaupa fram og aftur kantana hjá City.

Spánverjinn keypti bakverði fyrir um 125 milljónir punda í sumar. Dýrastur þeirra var Benjamin Mendy en hann kostaði 51,8 milljónir punda. Hann er jafnframt dýrasti varnarmaður sögunnar, hvorki meira né minna.

Mendy, sem er 23 ára gamall,



» Manchester City keypti bakverði fyrir um 125 milljónir punda í sumar.

sló í gegn með Monaco á síðasta tímabili. Þetta stórskemmtilega lið rauf einokun Paris Saint-Germain á franska meistaratitlinum og komst auk þess alla leið í undanúrslit Meistaradeildar Evrópu.

Mendy er stór og sterkur og býr yfir endalausri orku. Hann er einnig með finar fyrirgjafir og lagði upp fimm mörk í frönsku úrvalsdeildinni í fyrra og fjögur í Meistaradeildinni. Mendy hefur því nánast allt sem góður bakvörður í nútíma fótbolta þarf að hafa. Og þessi heildarpakki heillaði Guardiola.

Mendy vann sér einnig sæti í franska landsliðinu fyrir á þessu ári og hefur leikið fjóra A-landsleiki. Þeim á eflaust eftir að fjölga á næstu árum.



# Þarf að fylla í skarð hins geðstirða Costa

## Álvaro Morata

24 ÁRA  
FRAMHERJI

Landsleikur fyrir Spán: 21

Mörk fyrir Spán: 9

Keyptur á 58,5 milljónir punda frá Real Madrid

Það er ekkert smá verkefni sem bíður Álvaros Morata hjá Chelsea; að fylla skarð félaga síns í spænska landsliðinu, Diegos Costa.

Chelsea hefur tvisvar sinnum orðið Englandsmestari á síðustu þremur árum. Hinn geðstirði Costa átti risastóran þátt í báðum titlum. Hann skoraði 20 mörk bæði tímabilin sem Chelsea varð meistari og hefur alls skorað 52 mörk í 89 leikjum í ensku úrvalsdeildinni sem er frábær árangur. Costa gerir líka meira en að skora; hann er duglegur, bindur varnir andstæðinganna í fjötra og býr til pláss fyrir aðra leikmenn.

Morata er allt öðruvísi framherji en Costa. Það er ekki sami djöfulgangur í honum og hann hefur

» Morata hefur spilað þrjú úrslitaleiki í Meistaradeild Evrópu.

ekki sömu áhrif á leikinn. En hann getur skorað. Á síðasta tímabili skoraði Morata t.a.m. 15 mörk fyrir Real Madrid í spænsku úrvalsdeildinni þrátt fyrir að vera aðeins 14 sinnum í byrjunarliðinu.

Þrátt fyrir farsælan feril hefur hinn 24 ára Morata aldrei verið framherji númer eitt hjá sínum félagsliðum, fyrr en núna. Og miðað við fyrstu leikina með Chelsea virðist Morata finna sig vel í því hlutverki. Þegar þrjár umferðir eru búnar af ensku úrvalsdeildinni hefur Morata skorað tvö mörk og lagt upp önnur tvö.

Chelsea vann Englandsmestartitilinn á sannfærandi hátt í fyrra. Og ef Morata heldur áfram að spila eins og hann hefur gert í upphafi tímabils á Lundúnaliðið góða möguleika á að endurtaka leikinn.



Álvaro Morata hefur byrjað af krafti í búningi Englandsmestara Chelsea.

# Framtíðarmaður milli stanganna hjá Everton

## Jordan Pickford

23 ÁRA  
MARKVÖRÐUR

Enginn landsleikur fyrir England  
Keyptur á 25,7 milljónir punda frá Sunderland

Þrátt fyrir að hafa aðeins spilað eitt tímabil í ensku úrvalsdeildinni með fallliði Sunderland ákvað Ronald Koeman, knattspyrnustjóri Everton, að gera Jordan Pickford að dýrasta markverði Bretlandseyja í sumar.

Pickford þurfti að bíða lengi eftir tækifærinu hjá Sunderland. Hann var lánaður til sex liða í neðri deildunum á árunum 2012-16 og byrjaði síðasta tímabil sem varamarkvörður fyrir Vito Mannone. Ítalinn meiddist hins vegar illa í upphafi tímabils, Pickford fékk tækifærið og greip það með báðum höndum.

Honum tókst ekki að koma í veg fyrir að Sunderland félli en frammistaða hans vakti athygli stærri félaga og hann var tilnefndur sem besti ungi leikmaður síðasta tímabils. Þá var hann valinn í enska A-landsliðið. Pickford, sem á fjölda



Miklar vonir eru bundnar við Jordan Pickford hjá Everton.

» Pickford varði næstflest skot allra markvarða í ensku úrvalsdeildinni í fyrra.

leikja fyrir yngri landslið Englands, á hins vegar enn eftir að leika sinn fyrsta A-landsleik.

Bláa liðið frá Liverpool var í vandræðum með markvörsluna á síðasta tímabili. Maarten Stekelenburg og Joel Robles skiptu markvarðarstöðunni á milli sín en hvorugur þeirra var nógu sannfærandi. Það var því ljóst að Koeman þyrfti að finna nýjan mann á milli stanganna.

Pickford er mjög sjálföruggur og hugrakkur að koma út í teiginn og hirða fyrirgjafir. Hann er líka með frábærar spyrnur og fljótur að koma boltanum í leik.

Pickford býr ekki yfir mikilli reynslu og svo þarf hann að venjast nýjum veruleika hjá Everton þar sem hann verður ekki í hlutverki skotskífu eins og hjá Sunderland. En hann hefur hæfileikana og sjálfs-trauðið til að komast í fremstu röð.

# Hentar fullkomlega fyrir leikstíl Liverpool

## Mohamed Salah

25 ÁRA  
HÆGRI KANTMAÐUR

Landsleikur fyrir Egyptaland: 53

Mörk fyrir Egyptaland: 29

Keyptur á 37,8 milljónir punda frá Roma

Þetta er í annað sinn sem lið í ensku úrvalsdeildinni kaupir Mohamed Salah. Hann vonast til að dvölin hjá Liverpool verði ánægjulegri en tíminn sem hann átti hjá Chelsea Salah fékk fá tækifæri hjá José Mourinho, knattspyrnustjóra Chelsea á þessum tíma, og lék aðeins 19 leiki og skoraði tvö mörk fyrir Lundúnaliðið.

Egyptinn var lánaður til Fiorentina seinna hluta tímabilsins 2014-15 og fór svo til Roma eftir það. Þar blómstraði Salah. Hann var góður tímabilið 2015-16 og enn betri tímabilið þar á eftir þegar hann skoraði 15 mörk og gaf 11 stoðsendingar í 31 leiki í ítölsku úrvalsdeildinni.

» Salah lagði upp næstflest mörk í ítölsku úrvalsdeildinni á síðasta tímabili.

Salah er eldfjótur, leikinn og afskaplega hættulegur í skyndisöknum. Það eru eiginleikar sem Jürgen Klopp, knattspyrnustjóri Liverpool, kann að meta.

Salah hefur farið mjög vel af stað með Liverpool. Hann skoraði í 3-3 jafnteflinu við Watford og í 4-2 sigrinum á Hoffenheim í umspili um sæti í riðlakeppni Meistaradeildar Evrópu. Egyptinn var svo óstöðvandi þegar Liverpool rúllaði yfir Arsenal, 4-0, um síðustu helgi. Salah skoraði og lagði upp mark og var síðgandi á hægri kantinum. Stuðningsmenn Liverpool vona að frammistaðan í þeim leik sé fyrirboði um það sem koma skal í vetur.



Mohamed Salah skoraði og lagði upp mark í stórsigri Liverpool á Arsenal um síðustu helgi.



# Heavy metallinn hljómar áfram á Anfield

Liverpool hefur farið vel af stað á þriðja tímabilinu undir stjórn Jürgen Klopp. Þjóðverjinn er í miklum metum á Anfield og honum er treyst fyrir því að koma Liverpool aftur í hóp þeirra bestu.

Frammistaðan var fullkomin og úrslit voru afleiðing af frammistöðunni," sagði Jürgen Klopp, knattspyrnustjóri Liverpool, himinlifandi eftir 4-0 stórsigur liðsins á Arsenal um síðasta sunnudag.

Það er eðlilegt að Klopp hafi verið í skýjunum eftir frammistöðuna gegn Arsenal enda bar hún öll „höfundareinkenni“ Þjóðverjans. Liverpool setti leikmenn Arsenal undir stífa pressu og þegar boltinn vannst sótti Rauði herinn hratt og af krafti. Liverpool skoraði þrjú mörk eftir skyndisóknir og þau hefðu getað orðið fleiri. Þetta var sannkallaður „heavy metal“ fótbolli eins og Klopp hefur kallað leikstílinn sem hann predikar.

Góð vika átti eftir að verða enn betri því áður en félagaskiptagluggin lokaðist keypti Liverpool Alex Oxlade-Chamberlain frá Arsenal og Naby Keita frá RB Leipzig. Sá síðarnefndi gengur þó ekki í raðir Liverpool fyrr en næsta sumar. Bítlaborgarfélagið hélt líka Philippe Coutinho sem hefur verið þrálátlega orðaður við Barcelona í nær allt sumar. Brassinn hefur ekkert spilað með Liverpool það sem af er tímabils en því var borið að hann glimdi við bakmeiðslu. Það verður spennandi að sjá í hvaða hugarástandi hann verður þegar hann snýr aftur til Liverpool eftir landsleikjahléið.

Fyrr í sumar fékk Liverpool Dominic Solanke, ungan og efnilegan framherja frá Chelsea, Andrew Robertson frá Hull City og Mohamed Salah frá Roma. Sá



Liverpool-menn fagna einu fjögurra marka sinna í stórsigrinum gegn Arsenal. NORDICPHOTOS/GETTY

síðastnefndi hefur farið frábærliga af stað í rauða búningnum og Liverpool er ekki árennilegt með Salah og Sadio Mané sinn á hvorum kantinum.

Stuðningsmenn Liverpool geta líka glaðst yfir því að Mané verður með liðinu allt tímabilið, að því

gefnu að hann haldist heill. Fjarvera Manés vegna Afrikukeppninnar setti stórt strík í reikninginn hjá Liverpool í fyrra en liðið vann aðeins einn af sjö leikjum sínum á því tímabili.

Sóknarleikurinn verður væntanlega ekki vandamál hjá Liverpool

í vetur. Varnarleikurinn er meira spurningamerki. Liverpool fékk á sig 42 mörk á síðasta tímabili og gamlir draugar létu á sér kræla í 1. umferðinni þar sem Liverpool fékk á sig þrjú mörk gegn Watford. Tvö þeirra komu eftir föst leikatriði sem Rauði herinn hefur

» Liverpool fékk 2,03 stig úr leikjunum sem Joël Matip spilaði á síðasta tímabili en aðeins 1,59 stig úr leikjunum sem hann missti af.

átt í miklum vandræðum með að verjast síðan Klopp tók við. Það er eitthvað sem Þjóðverjinn þarf að laga ef hann ætlar að koma Liverpool ofar í töfluna.

Liverpool tókst ekki að landa Hollendingnum Virgil van Dijk áður en félagaskiptagluggin lokaðist og breiddin í miðvarðastöðunum er ekki mikil. Joël Matip þarf að haldast heill en hann er einn mikilvægasti leikmaður Liverpool. Á síðasta tímabili fékk liðið 2,03 stig í leikjum sem hann spilaði en aðeins 1,59 stig úr leikjunum sem Kamerúninn missti af.

Liverpool var ekki með í Evrópukeppni á síðasta tímabili en álagið í vetur verður meira þar sem liðið er komið í riðlakeppni Meistaradeildar Evrópu. Klopp þarf að nýta leikmannahópinn skynsamlega því leikstíll Liverpool útheimtir mikla orku.

Klopp er í guðatölu hjá Liverpool og svo lengi sem hann verður hjá félaginu hljómar heavy metallinn á Anfield. Þjóðverjinn þarf bara að passa að feilnótturnar verði ekki of margar.



## HÁGÆÐA GASELDAVÉLAR

Við höfum mörg járn í eldinum þegar það kemur að úrvali á gaseldavélum því við vitum að ekki elda allir kokkar eins. Hvort sem þú ert ástriðukokkur eða ekki, þá höfum við réttu græjurnar fyrir þig. Ofnarnir okkar eru með fjölda stillinga sem henta ástriðukokkum sem og áhugafólki um matargerð.



ELBA Í YFIR  
60 ÁR  
3ja ára ábyrgð



Askalind 3 • 201 Kópavogur • Sími: 562 1500 • friform.is

### OPIÐ:

Mán. til fimmtudaga kl. 9 - 18  
Föstudaga kl. 9 - 17  
Lokað á laugardögum í sumar



Arsene Wenger er undir gríðarlega mikilli pressu. NORDICPHOTOS/GETTY

## Þungskýjað yfir Emirates

Það er þungskýjað yfir Emirates vellinum þessa dagana. Arsenal steinlá fyrir Liverpool, 4-0, í síðasta leiknum fyrir landsleikjahléið og situr í 16. sæti ensku úrvalsdeildarinnar með þrjú stig eftir þrjá leiki. Aðeins West Ham (10) hefur fengið á sig fleiri mörk en Arsenal (8) í fyrstu þremur umferðunum.

Skytturnar enduðu í 5. sæti ensku úrvalsdeildarinnar á síðasta tímabili sem er verst árangur liðsins síðan 1995. Fyrir vikið missti Arsenal af Meistaradeildarsæti í fyrsta sinn í tæpa tvo áratugi. En liðið vann bikarkeppnina í þriðja sinn á síðustu fjórum árum og Arsene Wenger var verðlaunaður með nýjum tveggja ára samningi.

Óánægja stuðningsmanna Arsenal með Wenger var mikil fyrir og hún minnkaði ekkert við þessa vondu byrjun á tímabilinu. Til viðbótar við slæm úrslit missti Arsenal

sterka leikmenn undir lok félagaskiptagluggans. Liðið í dag er því veikara en liðið sem hóf tímabilið.

Það versta er svo kannski að Wenger virðist ekki læra af mistökunum eins og sást gegn Liverpool. Metnaðurinn til að spila góðan varnarleik var lítill og þegar boltinn tapaðist var allt opið fyrir Rauða herinn sem skoraði þrjú mörk eftir skyndisóknir í leiknum. Allt þetta hefur sést áður í leikjum Arsenal gegn hinum toppliðunum í ensku úrvalsdeildinni. Samt breyttist ekkert.

Það er ólíklegt að Arsenal verði í titilbaráttu í vetur og stefnan verður væntanlega sett á að tryggja sér Meistaradeildarsæti, annaðhvort með því að enda í einu af efstu fjórum sætum ensku úrvalsdeildarinnar eða vinna Evrópukeppni eins og Manchester United gerði í fyrra.



## Fréttir af dauða meistaranna voru stórlega ýktar

Titilvörn Englandsmeistara Chelsea fór eins illa af stað og mögulegt var. Liðið tapaði 2-3 fyrir Burnley á heimavelli og missti tvo leikmenn af velli með rautt spjald.

Meistararnir sýndu hins vegar mikinn styrk þegar þeir unnu 1-2 útisigur á Tottenham með frekar vængbrotið lið. Chelsea vann svo annan sterkan sigur á Everton, 2-0, um síðustu helgi. Krisuástandinu virtist því afstýrt.

Samt sem áður berast reglulega fréttir af óánægju Antonios Conte, knattspyrnustjóra Chelsea, með

frammistöðu meistaranna á félagaskiptamarkaðinum. Chelsea gerði lítið framan af sumri en sótti þó Antonio Rüdiger frá Roma, Tiémoué Bakayoko frá Monaco og Álvaro Morata frá Real Madrid. Og á lokadegi félagaskiptagluggans keypti Chelsea Davide Zappacosta og Danny Drinkwater.

Leikmannahópur Chelsea er fyrir vikið aðeins breiðari en það má samt ekki mikið út af bera. Conte komst upp með að spila á fáum mönnum í fyrra enda var Chelsea ekki í Evrópukeppni og slapp vel við meiðsl.

» Chelsea notaði aðeins 23 leikmenn í ensku úrvalsdeildinni á síðasta tímabili.

Það verður spennandi að sjá hvað Chelsea gerir í Meistaradeild Evrópu undir stjórn Contes. Þrátt fyrir farsælan stjóraferil á hann enn eftir að koma liði langt í Evrópukeppni. Það er ein helsta áskorun hans í vetur.



Antonio Conte virðist hafa tekið gleði sína á nýjan leik.



Sárir og svekkir Tottenham-menn.

## Wembley til vandræða

Tottenham teflir fram svipuðu liði og endaði í 2. sæti í ensku úrvalsdeildinni á síðasta tímabili. Mauricio Pochettino, knattspyrnu- stjórnari Spurs, hélt öllum leikmönnum sem hann vildi halda og á lokadögum félagaskiptagluggans náði hann í nokkra leikmenn sem ættu að styrkja liðið. Má þar nefna Davinson Sánchez, Serge Aurier og Fernando Llorente.

Nýr heimavöllur Tottenham er í smíðum og því spilar liðið heimaleiki sína á Wembley í vetur. Þjóðarleikvangur Engendinga hefur ekki reynst Spurs gjöfull og byrjunin á þessu tímabili gefur ekki góð fyrirheit. Tottenham tapaði fyrir Englandsmeisturum Chelsea á Wembley í 2. umferð ensku úrvalsdeildarinnar og í 3. umferðinni gerði liðið jafntefli við Burnley á sama velli. Uppskeran úr fyrstu tveimur heimaleikjunum er því aðeins eitt stig.

Tottenham er með þétt og öflugt lið en það er vandamál ef liðið getur ekki unnið heimaleikina sína.



Tony Pulis má vera kátur með sumarkaupin.

## Góður gluggi hjá West Brom

Fá félög gerðu jafn góða hluti á félagaskiptamarkaðinum í sumar og West Brom. Liðið hefur líka byrjað tímabilið vel og er með sjö stig eftir fyrstu þrjár umferðirnar.

Tony Pulis fékk alls sjö leikmenn í glugganum. Einn þeirra, kínverski framherjinn Yuning Zhang, var reyndar lánaður strax til Vitesse í Hollandi. Hinir sex ættu hins vegar að gera West Brom að betra liði.

Pulis fékk reynsluboltann Gareth Barry frá Everton, Kieran Gibbs frá Arsenal, Jay Rodriguez frá Southampton og egypska miðvörðinn Ahmed Hegazy að láni frá Ahly. Þá keypti West Brom skoska ungstirnið Oliver Burke frá RB Leipzig og fékk pólska miðjumanninn Grzegorz Krychowiak að láni frá Paris Saint-Germain. Hann gæti reynst algjör happafengur.

Miðað við sumarkaupin ætti West Brom að verða í efri hluta ensku úrvalsdeildarinnar í vetur.


# Vertu eins og heima hjá þér í Evrópu

Reiki í Evrópu (EU og EES) er innifalið í allri farsímaþjónustu Vodafone.

4G í yfir 40 löndum.

Kynntu þér málið á [vodafone.is](http://vodafone.is)

**Vodafone**  
Við tengjum þig





# Eitthvað verður undan að láta í Manchester

José Mourinho og Pep Guardiola mæta aftur til leiks með Manchester-liðin, United og City, í vetur. Þau stóðu ekki undir væntingum í ensku úrvalsdeildinni í fyrra en í ár er allt lagt undir í baráttunni.

**B**arátta José Mourinho og Pep Guardiola um Manchester-borg síðasta vetur stóð ekki undir væntingum.

Það var afskaplega grunnt á því góða milli Mourinho og Guardiola þegar þeir stýrðu erkiffjendum Real Madrid og Barcelona á Spáni. Mourinho var ráðinn til Madrídarliðsins til að fella Guardiola og Børsungana af stalli sínum. Mourinho beitti öllum brögðum til þess og náði á endanum markmiði sínu. Real Madrid varð spænskur meistari vorið 2012 og Guardiola hætti hjá Barcelona. Ari seinna fór Mourinho sömu leið.

Leiðir þeirra lágu aftur saman í fyrra þegar þeir voru ráðnir knattspyrnustjórar Manchester-liðanna, United og City. Fyrir fram var búist við því að þau myndu berjast um Englandsmeistaratitilinn. En svo fór ekki. Liðin ollu bæði vonbrigðum í ensku úrvalsdeildinni og Mourinho og Guardiola voru stilltir og létu vera að bauna hvor á annan.

Bæði lið byrjuðu vel í fyrra og þá sérstaklega City sem vermdi toppsætið framan af tímabili. En svo kom Chelsea á fullu stími, hirti toppsætið í 12. umferð og lét það ekki af hendi það sem eftir lifði tímabils. City endaði að lokum í 3. sæti, 15 stigum á eftir Chelsea. United hafnaði í 6. sæti deildarinnar, heilum 25 stigum á eftir Antonio Conte og hans mönnum. United vann hins vegar enska deildabikarinn og Evrópudeildina sem hleypti liðinu bakdyramegin inn í Meistaradeild Evrópu.

City spilaði á köflum frábæran fótbolta í fyrra en varnarleikurinn og sérstaklega markvarslan varð liðinu að falli. Guardiola lánaði Joe Hart til Ítalíu og fékk Claudio Bravo í markið. Sílemaðurinn átti góð ár hjá Barcelona en var eins og fiskur á þurru landi í ensku úrvalsdeildinni. Á tímabili virtist það vera nóg fyrir andstæðinga City að hitta markið til að skora því það lak allt inn. Guardiola fór því í markvarðaleit og fann Brasilíumanninn Ederson sem hann gerði að dýrasta markverði sögunnar.



Það fór vel á með þeim Pep Guardiola og José Mourinho á síðasta tímabili og þeir létu vera að skjóta á hvor annan. NORDICPHOTOS/GETTY

## Sumarkaup Man. City



### Komnir

**Benjamin Mendy**  
51,8 milljónir punda

**Kyle Walker**  
45,9 milljónir punda

**Bernardo Silva**  
45 milljónir punda

**Ederson**  
36 milljónir punda

**Danilo**  
27 milljónir punda

### Samtals:

**205,7 milljónir punda**

## Sumarkaup Man. Utd



### Komnir

**Romelu Lukaku**  
76,2 milljónir punda

**Nemanja Matic**  
40,2 milljónir punda

**Victor Lindelöf**  
31,5 milljónir punda

**Zlatan Ibrahimovic**  
fritt

### Samtals:

**147,9 milljónir punda**

Guardiola skipti einnig alveg um bakverði. Pablo Zabaleta, Bacary Sagna, Gaël Clichy og Aleksandar Kolarov, sem eru allir komnir yfir þritugt, voru látnir fara. Í staðinn keypti Spánverjinn Benjamin Mendy, Kyle Walker og Danilo á samtals tæplega 125 milljónir punda. Auk þess keypti City Portúgalann Bernardo Silva frá Monaco.

Vandamál United á síðasta tímabili voru af allt öðrum toga. Liðið skoraði bara 54 mörk í ensku úrvalsdeildinni, aðeins fjórum mörkum meira en Crystal Palace sem endaði í 14. sæti, og gekk bálvanlega að klára leiki. Strákarnir hans Mourinho töpuðu aðeins fimm leikjum á síðasta tímabili en gerðu 15 jafntefli, þar af 10 á Old Trafford.

Til að ráða bót á þessu sótti Mourinho Romelu Lukaku til Everton. Hann hefur stundum verið gagnrýndur fyrir að skora

aðallega gegn lakari liðum en það er nákvæmlega það sem United þarf; mörk til að klára leiki gegn minni liðum. Mourinho endurnýjaði einnig kynnin við Nemanja Matic sem hefur byrjað frábærlega í rauða búningnum og gert Paul Pogba kleift að blómstra. Þá keypti United sænska miðvörðinn Victor Lindelöf frá Benfica og samdi aftur við landa hans, Zlatan Ibrahimovic.

Líkt og fyrir síðasta tímabil búast flestir við því að Manchester-liðin berjist um Englandsmeistaratitilinn í vetur. Það virðist þó vera meiri innistæða fyrir þeim spám í ár. Bæði lið eru betur skipuð og betur samsett en í fyrra.

Svo er það staðreynd að bæði Mourinho og Guardiola verða alltaf landsmeistarar á öðru tímabili með sín lið. Það verður því eitthvað undan að láta í Manchester í vetur.

# ENSKI BOLTINN ER HAFINN!

Tryggðu þér  
áskrift á aðeins  
399 kr. á dag\*  
11.990 kr. á mán.

365.is | Sími 1817 **365**



**Dæmi:**

Tegund: Opel Insignia

Árgerð: 2017

Vél: Dísel / sjálfskiptur

Verð áður: 4.490.000 kr.

**Verð nú: 3.990.000 kr.****Afsláttur: 500.000 kr.**

# Frábært dæmi

**Sérkjör** á sýningarbílum**Dæmi:**

Tegund: SsangYong Tivoli XLV

Árgerð: 2017

Vél: Dísel / sjálfskiptur

Verð áður: 4.290.000 kr.

**Verð nú: 3.990.000 kr.****Afsláttur: 300.000 kr.****Dæmi:**

Tegund: Opel Astra Innovation

Árgerð: 2017

Vél: Dísel / sjálfskiptur

Verð áður: 3.990.000 kr.

**Verð nú: 3.590.000 kr.****Afsláttur: 400.000 kr.**Skoðaðu fleiri frábær dæmi á [benni.is](http://benni.is)

Mikið úrval af sýningarbílum  
Nánari upplýsingar hjá sölumönnum

Reykjavík  
Tangarhöfða 8  
590 2000

Reykjanesbæ  
Njarðarbraut 9  
420 3330

Opið virka daga frá 9 til 18  
Laugardaga frá 12 til 16  
Verið velkomin í reynsluakstur

[benni.is](http://benni.is)

**Bilabúð**  
**Benna**  
Sérfræðingar í bílum



# Bann fyrir leikaraskap

Í upphafi tímabilsins voru nýjar og hertar reglur um leikaraskap teknar í gagnið.

Leikmenn sem gerast sekir um leikaraskap gætu verið dæmdir í tveggja leikja bann. Á hverjum mánudegi fer nefnd á vegum enska knattspyrnusambandsins yfir myndbönd af atvikum þar sem grunur leikur á að um leikaraskap hafi verið að ræða. Nefndin er skipuð einum fyrrverandi dómara, einum fyrrverandi þjálfara og

einum fyrrverandi leikmanni.

Nú verður einnig hægt að afturkalla gul og rauð spjöld eftir á ef um leikaraskap var að ræða. Leikmenn gætu einnig fengið refsingu fyrir að reyna að plata dómara með því að gera sér upp meiðsli.

„Ég er hrifinn af þessu og þetta verður fyrirbyggjandi aðferð. Ég vil ekki sjá leikmenn dæmda í bann og ég held, fyrst að þessar reglur eru komnar inn, að við sjáum minna af leikaraskap,“

» **Leikmenn ensku úrvalsdeildarinnar geta fengið tveggja leikja bann fyrir leikaraskap.**

sagði Dermot Gallagher, fyrrverandi dómari í ensku úrvalsdeildinni, um þessar nýju reglur um leikaraskap.



Leikmönnum verður refsað fyrir að gera sér upp meiðsli.



Man. Utd. hefur byrjað af krafti.

## Messað á sunnudögum

Stöð 2 Sport hefur verið og verður áfram heimili enska boltans á Íslandi. Leikjum deildarinnar verða gerð itarleg skil á öllum miðlum 365 líkt og síðustu ár, ekki aðeins með beinum útsendingum á Stöð 2 Sport, heldur einnig í kvöldfréttum Stöðvar 2, á Vísí, í Fréttablaðinu, Akraborginni á X-inu 977 sem og víðar. Enski boltinn teygir sig víða enda með allra vinsælasta íþróttarnefni þjóðarinnar.

Stöð 2 Sport sýnir eins marga leiki í beinni útsendingu og kostur er á. Fyrir síðastliðið tímabil var sú breyting gerð á sýningarreitti enska boltans á Íslandi, sem og í öllum Evrópulöndum, að ekki reyndist heimilt að sýna nema í mesta lagi einn leik á laugardögum klukkan 14.00 (15.00 eftir að vetrartími tekur við). Réttihafar í Bretlandi gripu til þess ráðs í baráttunni við ólöglegt netstreymi, sem er notað purkunarlaust til að brjóta lög um sýningarreitt um allan heim.

Í venjulegri umferð sem nær yfir helgi eru minnst fimm leikir sýndir í beinni útsendingu og stundum fleiri. Þegar umferð fellur á miðja viku má búast við að 2-3 leikir verði sýndir beint.

Þess ber þó að geta að allir leikir sem ekki eru í beinni útsendingu verða frumsýndir skömmu eftir að leik lýkur. Upplýsingar um sýningartíma má finna á heimasíðu Stöðvar 2.

Þá vil ég nota tækifærið og minna á að Messan er komin á nýjan sýningartíma. Messað verður nú á sunnudögum strax eftir síðasta leik og fá því áhorfendur uppgjör um leiki helgarinnar við fyrsta mögulega tækifæri. Í Messunni á Stöð 2 Sport þjóna þeir Guðmundur Benediktsson og Rikharð Óskar Guðnason til altaris en með þeim verða þaulreyndir sparkspekingar, með þá Hjörvar Hafliðason, Bjarna Guðjónsson og Rikharð Daðason fremsta í flokki.

Gleðilegan boltavetur!

**Eiríkur Stefán Ásgeirsson**  
aðstoðarritstjóri  
íþróttasviðs  
eiririkur@365.is



LANGAR ÞIG Á LEIK Í  
**ENSKA BOLTANUM?**

Ef þú kaupir Kristal 500 ml eða Hleðslu heilsudrykk 330 ml í 10-11 getur þú unnið ferð fyrir tvo á leik í enska boltanum.

Ný tilboð í hverjum mánuði.

KRISTALL  
5 TEG  
500 ML  
**149**  
KR./STK.  
ÁÐUR 349,-  
298 KR/L

HLEÐSLA  
ÍÞRÓTTADRYKKUR  
330 ML  
**249**  
KR./STK.  
ÁÐUR 349,-  
755 KR/L

*Fljótlegt og þægilegt*

### REYKJAVÍK

Laugalækur 9 Barónsstígur 4 Miklabraut 100 Suðurfell 4  
Seljavegur 2 Grímsbær Kleppsvegur Laugavegur 180  
Austurstræti 17 Héðinshús Birkimelur 1 Við Vesturlandsveg  
Laugavegur 116 Hjarðarhagi 47 Bústaðavegur 20 Borgartún 26  
Lágmúli 7 Eggertsgata 24 Grjótháls 8 Bankastræti 11

### KÓPAVOGUR

Dalvegur 20  
Hagasmári 9

### HAFNARFJÖRÐUR

Fjörður 13-15  
Staðarberg 2-4  
Reykjavíkurvegur 58

### GAÐABÆR

Litlatún

### REYKJANESBÆR

Hafnargata 55  
Flugstöð Leifs Eiríks.  
Fitjar

### AKUREYRI

Kaupangur

### AKRANES

Skagabraut 43